

Ἡμερομηνία ἐκπομπῆς 8-2-62 (ταινία 26)

1.-

" Ἡ Τριγώνα, ἡ Τριγώνα "

Ἀνεῖ πέραν σ' ὀρμανόπον, ἔστεινεν κι' ἐποῖνεν ξύλα,
τά ξύλα ἀτς ἔταν ὀξέας, ἀντρας ἀτς ἔτον μυξέας.

Τά κορτσόπα εἶναι ἕναν, γιὰ τ' ἀτό θά ζύνω αἶμαν,
τά κορτσόπα εἶναι δύο, τ' ἕναν ἔν τ' ἔμὸν τό βίον.
τά κορτσόπα εἶναι τρία, ἀτό τ' ἕναν θέλ' παντρεῖαν,
τά κορτσόπα τέσσερα, γιὰ τ' ἕναν πᾶ ντ' ἔσυρα,
τά κορτσόπα εἶναι πέντε, τ' ἕναν σό κιφάλι μ' ντ' ἔγκην,
τά κορτσόπα εἶναι δέκα, εἶναν θά παίρω γυναίκαν.

2.-

" Ἡ Τριγώνα μέ τ' ὀρτάρια " (παραλλαγή)

Ἡ Τριγώνα μέ τ' ὀρτάρια, πάει σ' ὀρμάν, σερεύ' χορτάρια,
πορπατεῖ καί πάει ὀμάλια, τ' ὀρταρόπα τς ἄρνομάλια,
πορπατεῖ καί πάει τίλια, τ' ὀρταρόπα τς εἰν' τιφτίλια,
ἡ Τριγώνα μέ τ' ἀντσία, πάει σ' ὀρμάν σερεύ' τσατσία,
τά ξύλα τς ἔταν ὀξέας κι' ἀντρας ἀτς ἔτον μυξέας.

(τσάκισμα: ἡ Τριγώνα, ἡ Τριγώνα, ἡ Τριγώνα ἡ κορώνα)

3.-

" Ἦλεν' μαραίν' πᾶ μάραντα "

Ἦλεν' μαραίν' τᾶ μάραντα, τᾶ παλαλά χορτάρια,
κι' ἔσύ μαραίντς ἀσχώρετον ~~ἀσώρετον~~ τ' ἔμορφα παλληγιάρια.

Εἷνας μάνα ἐγέννεσεν τόν ἦλεν καί ἐσένα,
ἦλεν' μαραίν' τᾶ μάραντα κι' ἔσύ μαραίντς ἐμένα.

Ἄς ἔμνε πράσινον χορτάρ' κι' ἐφύτρωνα σ' αὐλόπο σ',
κι' ἐφέρνα κόκκινον τσιτσέκ' κι' ἐκαιγα τό καρδόπο σ'.

4.-

" Ἡ λαλία μ' σὸν οὐρανόν "

Ἡ λαλία μ' σὸν οὐρανόν, κόρη παρκαλῶ σε,
φύγον κι' ἔλα σ' ἐμέτερα κι' ἂν ἀρρωσταίντς τερῶ σε.

Φύγον κι' ἔλα σ' ἐμέτερα κι' ἂν ἀρρωσταίν' τς τερῶ σε,
ἐσέν ἄμον τσιτσέκοπον σά χέρια μ' θά κρατῶ σε.

Τῇ μάνα σ' καί τόν κύρτς μ' ἀκοῦς καί μή πιστεύ'ς ντό λέγνε,
θέλνε θά δίγνε σε ζεγιήν, ἄμαν θά πουσμανεύ'νε.

5.-

" Θεία μ' ἡ κουτσή σ' "

Θεία μ' ἡ κουτσή σ' κι' ἐγώ χουσματσής,
δός μ' ἄτεν ἕναν βράδον ἄς ἔν γιὰ τήν φή σ'.

- Κί δίγω σ' ἄτεν παιδόπον, μ' εἶσαι ἔτεφλής,
δέβα κι' ἄμε σὴ δουλεῖα σ', ἄς ἔν γιὰ τήν φή σ'.

- Κατὶ δίς μ' ἄτεν θειῖτσα μ', κ' εἶμαι ἔτεφλής,
εἶμαι ἐγώ καλὸν παιδόπον, λελεύω τήν φή σ'.

- Δέβα ἔπαρ' ἄλλο κορτσόπον, νά λελεύω σε,
καί μ' ἐβγάλτς τήν φή μ' παιδόπον, ποδεδίζω σε.

- Τό κορτσόπο σ' ἀγαπᾶ με κι' ἀγαπῶ ἀτο,
θά παίρ' ἀτο καί θά φεύω, ἄς ἐξέρτς ἀτο.

Ἡ μάνα σ' κι' ἡ κύρη σ' γιάβρου μ', ξάτ' κι' θέλ'νε σε,
φύγον κι' ἔλα μέ τ' ἐμένα, νά μή κρούγνε σε.